

徑山志卷之十

汶上李燁然刪定

海陽徐文龍

訂虞山宋奎光輯

鹿城陳懋德

名什

張佑

字承吉交河人五言律一首

題徑山大覺禪師影堂

超然彼岸人一徑謝微塵見相即非相觀身豈是身空  
門性未滅舊里化猶新謾指空中影誰言影似真

蘓軾

字子瞻眉山古律八首

名什

卷十

徑志

游徑山

衆峰來自天目山勢若駿馬奔平川中途勒破千里足  
金鞍玉鐙相回旋人言山住水亦住下有萬古蛟龍淵  
道人天眼識王氣結茅宴坐荒山顛精誠貫山石爲裂  
天女下試顏如蓮寒窗暖足來朴握夜鉢咒水降蜿蜒  
雪眉老人來叩門願爲弟子長叅禪邇來廢興三百載  
奔走吳會輸金錢飛樓湧殿壓山破朝鐘莫鼓驚龍眠  
晴空偶見浮海蜃落日下數投村爲有生共處覆載內  
擾擾膏火同烹煎近來愈覺世路隘每到寬處差安便

嗟余老矣百事廢却尋舊學心茫然問龍乞水歸洗眼  
欲看細字消殘年

再游徑山

老人登山汗如濯到山困睡呼不覺覺來五鼓日三竿  
始信孤雲天一握平生未省涉艱險兩足慣曾行犖确  
含暉亭上望東溟凌霄峰頭挹南嶽自愛絲杉翠絲亂  
誰見玉芝紅玉琢白雲何事任來往明月長圓無晦朔  
塚上雞鳴猶憶欽山前舞鳳遙徵璞雪窗馴兔元不死  
烟嶺孤猿苦難捉從來白足傲灰生不怕黃巾把刀槊

名什

卷十

二

徑志

榻上雙痕凜然在劒頭一映誰能角嗟我昏頑晚聞道  
與世齟齬空多學靈水先除眼界花清詩爲洗心源濁  
驗人屢欲逃競病禪老但喜聞剝啄此生更得幾回來  
從今有暇無辭數

寄澄慧大師

我昔曾爲徑山客至今詩筆餘山色師住此山三十年  
妙語應須得山骨谿城六月水雲蒸飛蚊猛捷如花鷹  
羨師方丈冰雪冷蘭骨不動長明燈山中故人知我至  
爭來問訊今何似爲言百事不如人兩眼尚能看細字

初自徑山歸述古召飲介亭以病先起

西風初作十分涼喜見新橙透甲香遲暮賞心驚節物  
登臨病眼怯秋光慣眠處士雲庵裏倦醉佳人錦瑟傍  
猶有夢回清興在臥聞歸路樂聲長

次韵和楊次公惠徑山龍井水

水洗病眼有効

漏盡雞號厭夜行年來小器溢瓶罌棄官縱未歸東海  
罷郡猶堪作水衡幻色將空眼先暗勝遊無暇脚殊輕  
徒煩遠致龍淵水寧復臨池似伯英

與周長官李秀才游徑山二首

名什

卷十

三

徑志

少年飲紅裙酒盡推不去呼來徑山下試與洗塵霧  
癡馬惜鄣泥臨流不肯渡獨有汝南君從我無朝莫肯將  
紅塵脚暫著白雲履嗟我與世人何異笑百步功名一  
破甌棄置何用顧更憑陶靖節往問征夫路

其二

龍亦戀故居百年尚來去至今雨雹夜殿閣風纏霧而  
我棄鄉國大江忘比渡便欲此山前築室安庭莫又恐  
大幽獨歲晚霜入屨同游得李生不足隨蹇步孤明不  
自愛臨老啟三顧吾歸便却掃誰踏門外路

徑山道中次韵答周長官兼贈蘓寺丞

年來戰紛華漸覺夫子勝欲求五畝宅洒掃樂清淨學  
道恨日淺問禪慙聽熒聊爲山水行遂此麋鹿性獨游  
吾未果覓伴誰復聽吾宗古道直窮達付前定舖糟醉  
方熟洒面呼不醒奈何效燕蝠屢欲爭晨冥不如從我  
游高論發犀柄溪南渡橫木山寺稱小徑幽尋杳茲始  
歸路微月映南望功臣山雪外盤飛磴三更渡錦水再  
宿留石鏡緬懷周與李能作洛生詠明朝二子至詩律  
嚴號令籃輿置紙筆得句輕千乘玲瓏最奇秀名實巧  
名什

卷十

四

徑志

相稱九仙更幽絕笑語千山應空巖側破甕飛溜洒浮  
峇山前見虎跡候吏饒鼓競我生本艱奇塵土滿金甌  
山禽與野獸知我久蹭蹬笑謂候吏還禦虎吾有命經  
山雖云遠行李稍可併頗訝王子猷忽起山陰興但報  
菊花開吾當理歸艇

蘓轍

字子由眉山人七言古一首

游徑山和東坡韻

去年渡江愛吳山忽忘蜀道輕秦川錢塘後到山最勝  
下枕湖水相縈旋坐疑吳會無復有扁舟屢到凌深淵

今秋復入徑山寺勢壓衆嶺皆迷顛連峰杳嶂不知數  
重重相挹如青蓮散爲雲霧翳星斗聚作潭井藏蛇蜒  
欽公未到人絕跡千里受記來安禪荒村草野置茅舍  
坐令海賈投金錢至今傳法破煩惱飽食過寮宐安眠  
解裝投錫不復去紛紛四合投烏鳶或言處此猶未遠  
海上人少無煩煎天台雁蕩最深杳水秀石瘦猶清便  
青山獨往無不可論說好醜徒紛然終當直去無遠近  
藤鞋竹杖聊窮年

范仲淹

字希文蘄州人七言古一首

名什

卷十

五

徑志

送圓悟粹禪師入徑山

觀水莫觀污池水污池之水魚鱉卑登山莫登迤邐山  
迤邐之山草木稀觀水須觀滄溟廣登山須登泰山上  
所得不淺所見高功夫用盡非徒勞南方幸有選佛地  
好向其中尋妙旨他年盛噐整頽綱不負男兒出家志  
大丈夫休擬議豈爲虛名滅身計百年隨分覺無多莫  
破光陰暗添歲城都况是繁華國打破只因花酒惑吾  
師幸是出家兒肯隨齷齪同理沒吾師幸有虹霓志何  
事躊躕溺泥水豈不見吞舟之魚不隱卑流合抱之木

不生丹丘大鵬一展九萬里豈同春岸飛沙鷗何如急  
駕千里驥莫學鷓鴣戀一枝直饒講得千經論也落禪  
家第二機白雲長是懸高臺莫學朝籠不暫開爲慰蒼  
生霖雨望等閒依舊出山來又不見荆山有玉名瓊瑤  
良工未遇居蓬蒿當時若不離荆楚怎得連城倍價高  
晁補之 字無咎鉅野人七言古一首

遊徑山

盤崖繞壑步步高僕痛馬乏游人勞五峰崛起干雲霄  
衆山奔走爭來朝我行直欲犯星杓意徹絕頂纔山腰

名什

卷十

六

徑志

松間鳥語如相招仰見白塔當林梢擔攜上下若枯槁  
路窮飛栖鬱岩堯欽翁未來蔽菅茅山精木恠恠遊遨  
磨馳虺竄猩鼯跳靈景晦昧何由昭忽然飛錫從江皋  
探窮不憚東峰遙曲腰丈夫白絲袍再拜巖前風電飄  
三百年來響鐘鏡閩商海賈轉金刀直欄紅牖山週遭  
晨叅夜諷聲嘈嘈碧山紫栢羅旌旄高深六月恣炎熇  
明月庵前醉濁醪白雲峰頂瞰若郊鷺毛一點錢塘潮  
越王宮閣如累樵臨之股慄精魄超歸不得寐心搖搖  
含暉孤亭立堯嶠此地覽景尤難逃五更月落禽嘲嘲

陽烏欲上海雲燒晦明變化不終朝儵忽陰陽狀莫描  
夜闌燈清雨飄瀟偶坐兩客論幻泡探玄窮妙窺寂寥  
破除萬事與絲毫不奈詩思猶強豪歸時日沒紅霞銷  
荒崖老木山蟬號

陸游

字務觀號放翁山陰人絕律二首

呈松源禪師

幾度驅車入帝京逢僧一例眼雙青今朝始覺禪家別  
說有談空要眼聽

哭塗毒禪師

名什

卷十

七

徑志

岌岌龍門萬仞傾翩翩隻影又西行塵侵白拂繩牀冷  
露滴青松卵塔成遙想再來非四大尚應相見話三生  
放翁大欠修行力未免人間愴別情

范至能

號石湖古律絕三首

凌霄庵

峰頭非塵寰一舍誰所葦軒眉玉霄近按指沙界豁萬  
山紛累塊衆水渺聚沫來雲觸石迴去鳥墮烟沒向無  
超俗緣茲路詎可越偕行水上座同我證解脫

題徑山寺樓

落日蒼茫水捫星縹緲樓神光來燭夜壽木不知秋海  
內五峰秀天涯雙徑游愛山吾欲住衰病嬾乘流

傾蓋亭

萬山羅立翠雲幢嫋嫋時聞晚炊香山下行人塵撲面  
誰知世界有清涼

徐敏

七言古一首

贈癡絕禪師

癡絕有庵不肯住弄月挑雲經山去地水火風分裂時  
親書贈子黃葛布蛻封讀罷唱無語會得龍鬚能避暑  
名什

卷十

八

經志

豈知玉骨本清涼書則珍藏布不取源老忽踏幽深路  
道在隔山遙望處巨帙已載爛葛藤何堪又送閒家具  
開眼一看笑呵呵猶有這個可奈何來而不往非世法  
聊效芹忱愧不多兩角茶十袋麪寶餅飛錢五十萬虔  
心獻此一瓣香奉爲禪師作清薦且問先師來不來玉  
山庵頂白雲開更煩大衆打圓相撥取青蓮火裏灰

張翥

字仲舉號蛻庵五言律一首

題大慧禪師塔

大慧談經地林園卽給孤鑿雲藏舍利鞭石起浮圖風



鐸時喧寂天燈忽有無沙門每來此三繞作曩謨

趙緯 荆南人五言古一首

贈敬庵禪師

西來有妙義了悟在真積莊師善學人味道如雜績平  
生物與我何曾自我植往年住錫山蜚聲振叢席初如  
出鉢龍晚會投林翮拂袖返故居杜門絕塵跡徑山席  
再興寶雨絢金碧願言出焚修上以酬聖澤

行素生

不詳姓氏松江人七言律一首

嘉禾天寧遇敬菴禪師

名什

卷十

九

徑志

避后高僧老敬庵幸同鄉土話江南宦情客思慚馳逐  
法道宗綱喜遍叅我已此山思慧遠君今何處見瞿曇  
幾時卓錫雲間路茗椀熏爐接笑談

朱全

嘉禾人七言律一首

金溪重逢敬庵禪師遽別

喜遂重逢說故鄉那堪遽別思偏長江湖縱有三生石  
歲月難禁兩鬢霜晚渡歸舟過橋李春山卓錫到餘杭  
遙知後夜相思處人在深林石竹房

虞集

字伯生臨川人七言律一首

送見心上人之徑山

臺山驀直勿岐差雙徑峰前路不賒若有劒光衝北斗  
更愁帆影落誰家曲江水暖花千樹古道秋高月一槎  
記取題詩相送處鷺鷥和雪立蘆花

高啟

字季廸蘄州人七言律一首

和復見心簡季潭泐公

高堂鐘鼓毒龍驚曾布袈裟海上城廬岳禪師傳法印  
道園學士許詩名幾趨北闕瞻天近獨坐南屏對月明  
書到喜聞雙徑老雨花新散滿瑤京

名什

卷十

十

徑志

張羽

字來儀五言律一首

徑山夜坐聞鐘

涼風生毛骨天高露滿空二十三年事一百八聲鐘絕  
頂人不到此心誰與同凭欄發孤嘆宿鳥起長松

習懷清

清江人五言古一首

贈月江禪師

雙徑極幽邃中有招提隱淨公慧遠流住山不出影支  
吟蘿月寒晝臥松雪冷夙心諧善緣滿腔盡春景禪  
旣已精儒行亦深省何日再相從爲師挈裘領

侯復

雲中人七言古一首

上月江師

徑山山下江水流白雲常鎖禪關幽高僧臥山久不出  
一朝應詔來皇州香街紫陌留不住又言飛錫東歸去  
雲散天空江水流一輪月挂珊瑚樹

陳道亨

嘉禾人七言律一首

登凌霄峰

凌霄峰頭烟霧深野水虛閣此登臨長藤古木有佳興  
翠壁丹崖生壯吟飛瀑灑空千樹濕白雲籠日萬山陰

名什

卷十

十一

徑志

來叅玉版春雷後又見森梢橫出林

邵經邦

七言古一首

游徑山

素望山巔倚如掌巖竒穴來天上徑山不比天目高  
猶能放眼延蕭爽瀛洲只在海東邊長江一瀉何茫然  
天吳蹴水雪山擁鵬鳥搏風雀背連芒鞋蹋徧雲縹緲  
千山萬水何時了笑踞芙蓉最上頭指點乾坤一時小  
五峰拔翠碧雲封淵泉湧出金蓮丰錫鉢遺來降水恠  
袈裟挂處收蒼龍瑤華種種莊嚴境遂使名山失真靜

何似崑崙未鑿開不驚龍象猶天幸我欲乘槎問漢津  
三山曼隔蓬壺春甃栖佛日窮清賞自入空門避世塵  
飄飄如在神仙宅夜半披衣坐盤石同攀皓月訪古松  
要識玄星倚蒼栢白雲盡掩下方同咫尺難論萬里通  
毒龍帶角懸岑塔鐵騎空嘶萬木風玉堂真筆龍蛇勢  
淨掃鳩壇散胸次可憐興盡一代宮惟勒豐碑兩行字  
寒霜裂竹嘯聲哀不見玄猿獨倚臺千古禪心無此寂  
百年浩氣湧如雷回頭獨看三花樹霧滅荒山斷歸路  
扶桑已出鴉背紅博得浮生此真趣腐儒出處皆聲名

名什

卷十

十二

徑志

大游不似維那行任他喝石千年在不及朝陽一鳳鳴

邵經濟

號心齋仁和人七言古一首

### 游徑山

吾聞弱水之上蓬萊山雲霞縹緲非人寰鵬翮三千水  
一息鰲背萬仞那能攀壯懷踏遍天目路羽翼騫風失  
鴛鴦自泛蓬萊只此山誰知雙徑迷烟樹複磴懸崖霄  
漢開杜蘅薜荔相依偎晴雲不負看山眼落日何孤泛  
斗杯雙徑山高出林杪回首千山萬山小蜀棧崎嶇鳥  
道迴秦關崩劣羊腸繞五峰返照岳蓮紅峰頭撫掌摩

長空江光不遠一線落雲氣常隨萬里同鐘鳴磬發迎  
天馬袈裟倒曳胡爲者寶華莊嚴禮世尊不知佛日身  
三捨我尋佛祖問真源慧力禪機到處存鉢水倒翻天  
北極石崖喝墮海東門龍湫齋齋泉滴滴云是真伽親  
卓錫古來滄海幾桑田恠底禪家說空寂放生池上蜿  
蜒多飛躍鳶魚石未磨吾道千年常活潑返生誰復知  
枯螺靈雞塚高去天尺復爾盟壇悲赤幘也應羽化出  
塵埃曾似巖頭空抵擲駕幸空門喝石高天章御墨揮  
秋毫不思北狩飄零後空復南都霄漢勞光曜三台回

名什

卷十

十三

徑志

四極雨積亭烟風剝泐可惜當年龍劔文都隨蔓草無  
顏色豈能步月下林皋露液霜華點髻毛月到中天明  
宇宙風生渤海見波濤坐覺高寒刺詩骨臨風便欲搏  
霜翼翛然輕舉絕紛囂明霞可食石可食舊聞蘓子愛  
逃禪玉堂素簡青雲鏤好是叅禪叅不破蒼烟空鎖墨  
花鮮我來高揭叅禪手笑倚天空擊瓦缶珮環蒼碧光  
陸離綰結龍絲燭牛斗環秀窗前凝曉霜朝陽峰頭熹  
晨光布袍白幘坐天上赤日紅雲望帝鄉再歌天寶更  
豐芭六龍永馭千百祀蓬萊弱水一荒唐笑託山花識

仙址

張復陽 七言律一首

題徑山

石徑縈紆出薜蘿諸峰環拱勢差峩舉頭便覺天顏近  
極日還知地界多西北雲來燕雨露東南潮湧浙江河  
振衣直上高峰頂苔蝕穹碑手自摩

徐渭

字文長山陰人五言律一首

化城寺

方引主人轄轉為山寺嬉門深當水盡路曲入松移破  
鐸搖簷鶴寒萍蔽藻龜過溪無虎嘯枉送遠禪師

名什

卷十

十四

徑志

王洪王畿王澍王沂

夜坐徑山松源樓聯句

高燈喜雨坐僧樓共話茶杯意更幽 洪句 萬丈龍潭飛瀑

倒五峰崔樹濕雲收

畿句

碑含御製侵苔碧徑啟曇花拂

曙秋

澍句

還擬凌霄好風月海門東望大江流

沂句

方九敘

錢塘人七言律一首

遊徑山

雲裏五峰環紫翠空中一徑轉微茫黃花漸報重陽節

白社遙尋古道場精舍更宐留謝客玄都何必訪劉郎  
高僧趺化千秋事獨有靈雞塚樹蒼

方相卿

邑人五言律一首

游徑山

名山萬壑裏迢遞拂雲行鳥下窺藜杖僧來問姓名巖  
花迎日豔谷樹曳風鳴深入無人處相隨鹿豕盟

周忱

廬陵人七言絕一首

徑山寺觀梅

雙徑山前夜月明寒梢踈葢影縱橫禪扉半啟行吟處

名什

卷十

十五

徑志

人比梅花一樣清

徐銳

邑人七言律二首

徑山雪霽

蜿蜒西來聳更尊已看銀漢繞崑崙雪光掩映千峰見  
海色微茫一線分天曠浮雲蒼狗變林深陰洞玉龍蹲  
高僧自愛青蓮座時對梅花靜掩門

其二

籃輿忽度翠微關行盡雙谿上徑山日月連珠從地轉  
蓬蒿浮玉倚天看龍飛鳳舞千支裊越北吳南兩乳盤

雪水秣應仙品試詩篇仍向石林刪

俞景寅

巨人五七言律二首

游徑山十四韻

雙徑通金地羣峰列寶屏初登疑窈窕漸陟覺孤冥遲  
日巖頭墮浮雲岫脚停江濤一馬白海嶠數螺青杉檜  
森成靄樓臺迥逼星呼泉流壁罅咒石劃川形雞塚封  
前慧龍湫雨後腥蓮呈真法相僧誦大乘經砌石曾過  
輦碑殘尚識銘竹風飄梵磬蘿月映禪扃境寂還心寂  
山靈總性靈井塵繙舊案劔映發新硯蔡碣苔文繡蘓  
名什

卷十

十六

徑志

池墨色瑩漫留詩筆在千載肯同訂

登凌霄峰

雙徑穿雲上碧霄憑虛勝覽此偏饒窗間吳越連三楚  
樹飽風霜自六朝沙磧寒飛江練白海門春逐浪花遙  
興餘一嘯狂飈起歷亂烟霞杖底飄

王澤

字叔潤天台人五言律一首

寄季潭禪師

寶樹香雲合龍河綠水新涼多今夏雨僧少去年人一  
騎留京國孤鴻入塞塵

師曾出使外國

西天幾萬里沙草濶無



垠

王守仁

號陽明餘姚人五言律一首

題化城

僧屋烟霏外山深絕世譁  
茶分龍井水飯帶石田砂  
香網雲嵐雜窗高峰影遮林  
栖無一事終日弄丹霞

吳擴

延陵人五言律四首

游徑山

青雲盤一徑香靄接諸天  
福地靈泉湧金容慧日懸  
塔平餘宋址松偃記唐年  
願謝塵中跡冥心證上禪

名什

卷十

十七

經志

其二

幽徑懸青壁飛淙百道分  
澗松交晚翠谿確響秋雲  
潭域標龍藏高峰下鹿羣  
自餘林閣興長嘯倚斜曛

其三

香木懸崖合流泉石路分  
灑空喧瀑布映日落峰紋  
抱子玄猿出呼雛黃鳥聞  
何當迷處所更入鹿麋羣

其四

古院千峰隔空堦萬竹分  
薜蘿延畫壁松栢秀蒼雲  
落日鴨翻陣長風雀破羣  
老禪眉覆面世事不相聞

高得賜

字孟昱錢塘人七言律八首

天掌峰

五峰秀出冠叢林千載奇稱遇賞音雲雨自成翻覆手  
虛空誰識往來心山圍竺國層層玉地入祇園步步金  
一指儻教歸大道石頭未怕路嶮嶽

驪珠峰

誰向龍淵發祕藏遠煩天掌爲擎將四山白月爭秋色  
一島紅雲護夜光靈鷲斜飛天側畔陽烏正照地中央  
向來娑竭輸珍玩在處還應屬上方

名什

卷十

十八

徑志

浣雲池

偶然鑿破一方苔雲影中間去又來本已飄飄離世俗  
何煩洗濯絕塵埃搗衣溪女花陰合滌硯山童墨暈開  
智者正爲秋水觀可容凡礫溷靈臺

瀉玉巖

千尺飛流如瀉玉滢巖新愛得佳名雷驚石眼分嵐氣  
雲走峰腰學水聲百折豈辭歸海遠一生長喜在山青  
浮漚起滅尋常事慚愧高人眼獨明

雲筆峰

一峰崒崒直如椽五色網緇爛若烟太華秋高金氣肅  
湏彌春暖玉毫圓油然亦是無心出卓爾何曾有字傳  
安得文如燕許手相期泚露向堯天

娥眉峰

普賢說法西江上節彼名山具仰瞻人喜長卿能慕蘭  
我慚逢世諱稱巖烟供淡掃蘭煤重月比新彎笋玉織  
寶閣梵餘聊作供莫因莫雨始掀簾

雙桂林

雙桂成林開勝域綠陰夾道闕禪關芳聯天目東西徑  
名什

氣壓淮南大小山金粟堆時何粲粲寶華雨處共斑斑  
覺皇境界容親到袖取天香散世間

卷十

十九

徑志

萬菊軒

一軒專爲黃花設富擬人間萬石君佳本勝從方外得  
妙香多在定中間引泉北澗分清露開徑南山見白雲  
此意欲爲知者道陶翁猶自未離羣

已上西徑山八詠

王蒙亭

號中泉餘杭人五言偈一首

捨田入化城寺系之以偈

我田衆生田誰施誰爲受施受了無別請問石橋叟

明谷山人

五言律一首

留別衆僧

草閣迴雙徑松林帶五峰秋光淨如水落日澹高空僧  
住翠微裏客來江浦中百年長擾擾清話幾相逢

胡朝

號秋江五言律一首

游徑山

寶馬香車客披雲謁上方龍孫依竹長雀舌散茶香明  
月池猶在靈雞塚獨荒古碑蒼蘚合都是宋文章

良縉

號嶺山五言律一首

名什

卷十

二十

徑志

贈淨庵

秋日依雙徑林寧風不聞冰心無劫火金剎入慈雲懶  
際風雲會還尋麋鹿羣塔前觀雀舞清燕共斜曛

陸樹聲

號平泉華亭人七言絕一首

書徑山禪師卷

時年九十有七

浙西獅窟首名山竹篔曾過妙喜關八十七燈無晝夜  
一光東照老人顏

嚴大紀

字汝肅餘姚人七言律一首

徑山靜室信窩

偶出風塵坐翠微幽奇晨夕在山扉林開鳥帶栖雲去  
石潤龍含剩雨歸莫問茅荆非別業卽看蘿薜是初衣  
却嫌樵豎驚相識未遣猿鼯共息機

沈季文

號太素吳江人七言絕一首

過寂照庵

蘭若蕭疎夕照間碧雲黃葉滿秋山逢僧爲說無生法  
喝石巖前帶月還

沈瓚

號定庵吳江人古律五首

游徑山訪鑑公

名什

卷十

二十一

徑志

漸遠招提境猶聞谷鳥啼雪深僧欲定花發客將迷野  
町清泉繞空林倦馬嘶何年悟禪理得意忘筌蹄

其二

祇園千畝廢野竹遍荒陂雀啄草花子風鳴桑樹枝日  
光含舍利山影界毘尼若問蓮花塔今當地湧時

游徑山長歌

四日臥權清溪河悵望游侶無人過浩然乘月放歸艇  
櫂聲已入滄浪歌竝河冒暗呼不已僧偕行者來山坡  
從昏達旦足重趼衝虎夜行肩負戈謂言諸客盡入寺

取道郊區登雲窩聞言一笑却轉柁有纜仍繫桑林柯  
甸丁躑躅耻駕輿久不跨馬今乘騾疾馳不覺三十里  
輕雷挾雨成滂沱寓樓小憇遂淹宿客衾夜藉谿簾簑  
詰朝雲氣尚黯淡已報東旭呈青螺藜篁高下浚谷杳  
雙徑迤邐千峰羅巍宮遠接宋香火異境肇開唐巖阿  
數百年來八十祖今何寥落昔何多丹青剝落榱棟朽  
扶傾起廢非人何此來匪直事游眺爲奉龍象倡檀那  
禪林况多梓里彥清淡微笑皆磋磨慚余頑鈍不受琢  
恍若聾聵驚靈鼉塵勞擾擾竟何事要當拂袖棲雲蘿  
名什

卷十

二十二

徑志

五人同行一人住勦絕家事稱頭陀燈前三歎重自省  
赤幟在望猶蹉跎出門步步惜風景浮蹤行復隨蓬科  
願與山林訂新約歲一再至誰見訶焚香洗鉢畢吾事  
此生豈復思其他

佛殿上梁赴禮拜晚至有述

慣攜瓢笠往來輕却借冠裳費送迎後至恐因虛佛會  
疾馳何異急王程身游世外仍多事歲到林間有舊盟  
莫以布金誇勝業化城湧塔未須驚

莫春偕周子介金太初通公自雙溪步至徑山

偶結同心朋言尋物外賞遙期靈境宿寧憚迴溪廣乘  
杼有夙志遡流無凡想青山杳深秀白日開蒼莽疎林  
綴桃梨野町敷篠簜玄言波與清高視天爲朗捨笈詎  
卽安杖策成邁往泉聲時韻屐日影猶懸掌敢辭足力  
疲取愜游情爽嶺樹沉烟光行歌答鐘響欣逢林間彥  
香臺接雲上一笑聆真諦餘法何足獎

吳用先

字本如桐城人七言律二首

潤州舟中送鎰公之徑山

一從法棟嘆摧殘禪藻如君秀可餐指邊標月思量絕  
笑底拈花領略難杯浮京口孤雲起錫卓餘杭雙徑寒  
大事更將誰荷擔莫忘清夜此盤桓

蜀中送澹居還徑山

方外知交絕世情倏然飛錫到蓉城來時寒照三巴雪  
去日春啼二月鶯巫峽迢迢疊巘翠洞庭渺渺片帆輕  
送君高臥徑山裏余亦歸尋鷗鷺盟

陸光祖

號五臺平湖人律古二首

游徑山

自愧無才位六卿探幽偶出鳳皇城巾車帶月臨山徑

名什

卷十

二十三

徑志

寶剎披雲駐玉旌殿閣崢嶸同上竺松杉高古擬南衡  
何當了却人間事重與禪僧話月明

族子堯家度爲僧住徑山易出性悟說偈以送之  
最初佛出家知法は無常重念生老死頓捨金輪土汝  
既爲佛子莫虛過時光當明第一義與佛無等量

馮夢禎

字開之嘉禾人七言律一首

題徑山松源樓

造設靈山五個峰嵐光花雨翠重重水聲臺殿上方磬  
月色軒窗下界鐘萬本寒松青入漢一池秋水淨涵空  
名什

卷十

二十四

徑志

供茶童子清于雀笑問何來世外踪

傅光宅

號金沙七言絕一首

吊傅衣庵千松禪師

流水空山演梵文千松寒影自紛紛青天月落星河冷  
愁聽鐘聲出白雲

徐夢華

字子善錢塘人五言絕一首

徑山雪霽

徑山高入漢飛雪凍雲封斜陽時返照朶朶玉芙蓉

徐懋升

字玄舉錢塘人五七言古律絕三首



贈梵懷上人

茅菴高寄白雲端，曼絕浮埃眼界寬。  
散得空花秋不謝，坐來破榻夏猶寒。  
心同止水涵天淨，貌似疏峰帶雪看。  
悟處了然開寂照，凌霄頂上月團圓。

喝石巖

潑墨片雲立一喝，成川也莫恠事荒唐。  
猶有點頭者

重游徑山和蘓長公韻

山靈知我非生客，到來蒼然舊風色。  
翻憶當年卓錫僧，莽蕩何處埋靈骨。  
含暉亭望海霞蒸，亂雲飛墮疾如鷹。

名什

卷十

二十五

徑志

嵐氣倒籠雙徑竹，旭日初懸一慧燈。  
肩山老人曾三至，欲步高蹤誰得似。  
尚餘綵筆勒貞珉，拂拭蒼苔讀奇字。

顧起元

號隣初金陵人五言律一首

登徑山

雲磴平于席，流陰景自饒。  
爲探雙徑至，翻愛五峰招。  
木榻供閑散，松關鎖寂寥。  
大觀應極望，千里讓孤超。

張瓚

七言絕一首

遊徑山

古寺松杉一徑深，雨花臺上聽潮音。  
若非借得天風便

安許春宵一合簪

夏原吉

七言律一首

游徑山

西北羣峰萬馬來東南地勢接蓬萊  
綵雲宮闕天中起紅日山川掌上開  
十錦人家攢幾簇三吳客路繞千迴  
凭高極目鴻濛外身在層巔最上臺

潘淑

餘姚人五言律一首

徑山贈靜主

上人栖息處雲水自優游  
說法龍歸鉢談玄石點頭  
松

名什

卷十

二十六

徑志

堂明月靜竹徑野烟浮塵世深如海  
坡仙舊此游

陸彥章

字伯達華亭人七言律一首

寄徑山舊衲

精廬雙徑枕中峰掉首人間事事慵  
空翠半浮晴似雨泉飛百道暑如冬  
晨鐘絕頂開龍藏夜雪層崖印虎蹤  
不動舊軒今在否會攜筇竹到深松

吳光裕

字寬生桐城人五言律二首

寄澹居禪師徑山

妙喜佛無動維摩法界同往來  
離色相語句本圓通一

月千江影三春兩度鴻他年雙徑跡落葉掃教空

其二

孤雲歸舊窟寶藏出人間何意翻殊勝獨能反鈍頑紙  
窗蠅自出蘆葉履空還一笑相逢地禪堂本不關

王在晉

號帖雲太倉人七言律二首

游徑山

葱翠篔簹敞夕陰秋高野宕氣蕭森瞿曇盡現空中相  
闡士常超物外心水到香厨勤洗鉢風來松下聽鳴禽  
青山鎮古依然舊世劫從教任陸沉

名什

卷十

二十七

徑志

其二

叢竹山房踞嶺幽忘機應識似天游片言警醒人如夢  
一喝分明石點頭縹緲曇雲開法藏逍遙白塔隱靈丘  
如來儘許凡夫度世事於今認水漚

黃汝亨

字貞甫錢塘人五七言古絕律四首

游徑山和東坡韻

擾擾不耐塵爲客夙昔愛看名山色朝登東目及西目  
處處秋林見山骨徑山石上層雲蒸凌霄撇日如秋鷹  
風吹萬竹聲泠泠欽師慧老嗣明燈徑山和尚知我至

迎問東西目何似我言千丈巖斷獅子吼秋色長空絕  
文字

題靈雞塚

一靈通微妙萬類等佛種纍纍生人頭何如死雞塚

題喝石巖

是石無受處云何喝爲三現茲神通力開彼妙靈函

徑山看竹

竹色自可愛無如此徑深千林寒玉立萬畝綠雲沉遠  
竇窺天入清光覆地陰泠泠秋韻切到處奏嵇琴

名什

卷十

二十八

徑志

湯賓尹

號霍林宣城人七言絕三首

游徑山訪鎧師

覓友尋師渡會稽含情千載不能啼閑從國一堂頭過  
一瓣香兒吊塚雞

其二

千丈龍潭萬仞山飛泉百道到人間法流自是清如許  
一任僧寮去復還

其三

自謂頗饒濟勝具尋山卓錫有何難不須更乞香厨飯

翠色明霞刺可餐

周祇

字子介吳江人七言絕一首

游徑山

行盡谿流十里山千峰迴合鎖潺湲箇中古路無人到  
獨許閒雲自往還

繆希雍

字仲淳常熟人五言律一首

秋日雙徑尋幽

突岬五峰標禪居敞寂寥松杉雲外掩鐘梵月邊飄山  
已凝秋黛溪聲帶晚潮聽雞人不見荒塚自蕭蕭

廿什

卷十

二十九

徑志

戴日強

號兆台蒙城人七言律一首

登凌霄峰

立芙蓉萬古懸丹梯直上碧雲連中峰色奪吳山秀  
絕頂青收越岫烟石壁丹砂燒聖火重樓縹緲住金仙  
狂來雙鳥渾如夢踏徧凌霄嘯海天

姚可尚

號澹林餘杭人七言古一首

登凌霄峰

盤空直上凌霄巔捫蘿磴石觸雲烟大山小山一磊砢  
蒼江萬里如蜿蜒絕壁陰風吼地起山狙野穴爭我前

便欲大叫問青天恐驚帝座遠回旋下有結茅聊一憇  
老僧休心忘世緣丹泉流出玉芝田澗邊瑤草尋可擷  
首陽曾記能延年

李長庚

郡人七言律一首

遊徑山

霧合烟迷望不窮峒巖飛閣出高空松連天目開雙徑  
翠疊雲頭鎖五峰踏遍崔嵬叅法象坐深花雨散天風  
逢人欲問西來意爲扣禪扉謁遠公

李長房

錢塘人七言律一首

石什

卷十

三十

徑志

徑山觀雪

諸天曾結白蓮臺誰挈狂夫頂上來玉樹菁葱雙徑合  
六花凌亂七峰開聯翩欲舞遼東雀彩筆應傳郢客才  
簞笠不妨頻住訪逢僧疑是雪山回

洪都

號紫崖青浦人七言絕一首

同蘇更生宿徑山煮茶

活火初紅手自燒一鐺寒水沸松濤與君醒盡浮生夢  
竹影半軒山月高

王在公

別號芥菴崑山人五七言古律二首

徑山初夏

何處無名勝幽深唯此山翻經長止靜看竹一偷閒聊  
與澹栖泊時同空往還烟雲能解意鎮日護禪關

貝林禪師高行者宿也居天目有魔難作此招之  
兩山相去百餘里知君魔嬈無窮已快擔榔栗過山來  
山中香芋美無比飽經行倦卽止五峰明月如秋水大  
寂場中無是非與君共究西來旨

題傳衣庵

寸絲不挂已傳衣夜渡空江去不歸混跡塵寰依獵網

石什

卷十

三十一

徑志

擬天歲月宿蠻溪偶逢佳會風旛話却入宗門賞罰機  
此際綠陰題佛眼一花何處不揚輝

朱鷺

字白民長洲人七言絕一首

中秋步月徑山

荳湯催熟五更鐘散步披寒月挂松無礙十方塵刹海  
一庭虛廣可相容

胡開文

字質甫華亭人七言律一首

寄懷雙徑大安無從禪師

欲買名山先買泉青松白石誓曾堅羨師已結跏趺地

愧我仍無負郭田  
螻蟻戰夢酣呼未醒  
雀歸雲駐唳堪憐  
秋江到處饒紅葉  
於越相尋續勝緣

陳調鼎

字玄玉高淳人七言律一首

題徑山

五十里程行未盡  
千峰競起梵王家  
巖前瀑布濺晴雪  
門對凌霄燦曉霞  
童子放泉敲碎竹  
老僧留客煮新茶  
我來偶得山中趣  
猶厭崎嶇石路賒

吳之鯨

字伯霖仁和人古絕二首

妙喜庵

名什

卷十

三十二

徑志

開士傳衣號應真  
龍章炳耀出楓宸  
只今琪樹猶堪憶  
無垢軒中問法人

訪聞谷禪師于觀音殿修不語期

閣門晝夜扃嚴于  
環戟榮始知堅忍力  
醉象邈難底嗒然  
寂無言月照空潭水  
法淨心自安心滅法  
不起劈開歸宗拳  
擺斷天龍指能轉  
十二時總在空山裏

吳伯與

字福生宣城人五七言古律二首

登徑山次蘇長公韻

勝因暫作峰頭客  
山氣冥蒙罩海色  
微明世界水天佛



送致蓮花清徹骨別有野臺花雨蒸掀翻一似橫秋鷹  
青芝碧檢何冷冷提出陰光日月燈雪肩道人因我至  
爭問宗風舉何似我言有情身中無盡藏梵唱盈篇沒  
一字

晚上徑山

五峰如豎指回合蔽天關字劃川文石泉通一髮山恠  
禽衝杖底松樹破燈間燭夜神光引猶分僧月閒

龔立本

字淵孟常熟人七言律一首

宋元實以徑山詩見寄奉答兼柬李孟芳

名什

卷十

三十三

徑志

知君高寄五峰寒不啻侯芭問字難杖倚松風時颯颯  
泉飛竹雪晝覆覆千年佛地龍能護何日山門指一彈  
爲問李郎遊興劇眼經幾處似奇觀

李穀

字孟芳常熟人五七言古律四首

徑山大安寺訪無從禪師

妙喜中興後宗風久未還錫來重雉草剎建亦開山曲  
徑深寒翠繁花落蘚斑凌霄白雲近不借幾躋攀

曇衍法主枉詩見約次韻奉答

一微塵寄大閻浮欲問西來沒路頭緣淺夢竟空變幻

山深消息自清幽  
獅林花散翠屏石  
龍井泉香奇樹樓  
本擬五峰尋說法  
敢忘明月到中秋

登凌霄峰贈梵懷上人

急急登凌霄朝雨喜  
初霽拉僧山路熟  
脫衣杖底銳登  
登望山下行人忽已細  
乃陟峰之巔五峰直  
其弟其他小崗巒俯伏  
不敢睨有僧廬其上  
形瘦鬚不剃鑿石尋  
乳竇種菊理巖砌  
于此小休息忽遺前後際  
畢竟孤絕者容易討禪慧  
一住十九年能無解分齊

徑山次蘇長公韻

名什

卷十

三十四

徑志

雙徑迂迴邈孤客  
峰峰寒翠搏空色  
十載江湖曾浪游  
希逢此際清心骨  
八十七祖如雲蒸  
沙油蔴汁飼飢鷹  
因地一聲通大界  
昏衢爍爍流明燈  
靈雞一去不復至  
龍樹龍宮儼相似  
佛日震旦正中天  
登臨莫但題文字

張維 字叔維常熟人七言律一首

登徑山

十年常問凌霄境  
今日纔能拄杖游  
秀拔五峰攢寺起  
寒深雙徑到門幽  
蒼崖下有蛟龍窟  
奇樹中藏梵筴樓  
向晚莫愁歸路遠  
石牀一宿主僧留

賀煇

字函伯丹陽人七言絕五首五言絕一首

題鐵鞵草爲澹居上人

鐵鞵一兩任西東踏徧千巖萬壑中  
畫就虛空原是幻寒潭無月谷無風

喜澹公還自峩眉

雙徑峰頭花遍開短筇無恙去還來  
百城烟水今何處剛入三峨月影回

登雙徑逢芥庵白民時在山中檢藏

路入雲深萬玉森空香亂灑翠烟  
沉峰頭趺坐雙居士

名什

卷十

又三首

徑志

魚梵聲中月一林

其二

也曾遍訪東南勝物外高人不易逢  
山水友朋雙絕處何如天上揖喬松

徑山看竹戲簡白民白民寫竹稱絕技

重重翠影映空流含雨含烟動素秋  
染就鵝谿千萬片襪材何用乞洋州

贈寂照自光藏主

竹栢生清妍雲霞發奇狀蕭然物外人  
副此名山藏

李燁然

字文若汶上人七言古一首

次蘓長公游徑山韻

白雲堆裏白雲客  
客與白雲同一色  
雙徑斜披蜿蜒形  
五峰削出芙蓉骨  
三伏竹松寒氣蒸  
老僧骨健如秋鷹  
指心直泚三千界  
抵掌能談八十燈  
試問欽師未曾至  
此山寂寞將何似  
空裏無花老古錐  
西來畢竟無文字

徐文龍

字田仲休寧人七言律一首

登徑山

果然雙徑異人寰  
絕頂松杉不等閒  
風雨自從龍去後  
名什

卷十

三十五

徑志

殿庭千載白雲間  
殘碑人重坡仙墨  
古跡僧傳巾子山  
最是澗泉流不盡  
竹烟堆裏日潺潺

陳懋德

字維立崑山人七言律一首

懷徑山

迢遞崑侖駐五峰  
千年佛國護神龍  
蒼松翠竹知無數  
白石清泉信幾重  
簾捲曉雲寒入座  
巖飛秋雪夜聞鐘  
何緣謝却塵勞累  
踏徧名山一短筇

周光祚

字承明長洲人五言律一首

讀凌霄詩寄宋元實

問峰先問勝開卷得凌霄松竹嵐收古雲泉塔引遙未  
登神已越纔讀興先超欲理尋山策吾將賦采茗

宋奎光

字元實常熟人五七言律五首

宿化城同孟芳賦贈慈門禪師

晚來踈雨散長天浮度秋光淨獨鮮客竝李膺疑有道  
僧逢佛印或坡仙空巖繞樹栖雲氣香積當窗落澗泉  
入夜鐘魚歌梵唄聲聞說法卽燈傳

徑山登凌霄峰有述

迢遞尋雙徑崎嶇歷五峰翠寒飛嶺竹蒼雨落崖松樹

名什

卷十

三十六

徑志

古瞻靈塔泉源見老龍雲堂秋入座香積晝聞鐘寂照  
隨叅藏凌霄共策筇許詢原有致元禮亦談宗

時同游  
爲李孟

芳許鎮  
之云

絕巘天疑逼雲生壑幾重安能依片石長此放

孤蹤

無從禪師重開大安古刹有贈

再現優曇布衲如尚于陵谷幻嗟噓攜筇幾踏烟霞路  
負纓重開瓦礫墟雙徑法幢龍象杳七朝名刹虎狼餘  
只今一浣山靈面翠竹蒼松總遂初

龍井樹下與曇衍禪師

寶樹何年物千尋冠碧山五峰高象法一穴待龍還祖  
席憐虛久宗風豈等閒吾師誰示現來此獨相關

同馬令公訪上水池明空上人贈

尋山挾仙令訪道得真禪貌古渾如木心空逼似蓮頻

伽竹林鳥功德上池泉太宰給孤後于斯見大緣

庵地為陸

太宰施故云

張之采

字去浮仁和人五言律一首

題徑山禪堂

直嶺陟危巔高堂敞法筵五峰藏性海一井見龍泉樹

名什

卷十

三七

徑志

相開多寶筠情幻夕烟九朝名勝地祖意幾人傳

沈煥然

字無文餘杭人七言律一首

登寂照庵有感

獨攜秋色上巖端曲曲巖光翠可餐門鎖龍宮深海藏

徑通雞塚悉檀藥千年勝地人能到累代名僧塔半殘

謾說中興多紫柏清涼月色至今寒

徐胤翮

字孟凌錢塘人七言古絕三首

徑山次蘓長公韻

山為主人我為客老杉不改冰霜色試問巖前喝石人

白兔靈藏何處骨林風凍蘚日氣蒸凌摩峰頂騫孤鷹  
五峰茇舍泉堪枕兩夜蒲團月作燈茗花溪上人曾至  
逍遙踪跡雲相似不能草屨結山隣但學蠹魚食仙字  
壁立高巖色鬱蒼猶傳射彈自錢王向來山木被文繡  
蘚石依然青錦光

彈巖

望徑山積雪

往時策杖凌蔓絕滿地霜光踏松葉今日溪邊望遠山  
高高下下封春雪不知此山高幾何但見峩峩半天白

名什

卷十

三十八

徑志

五峰雲臥玉鱗飛雙徑泉僵冰柱合恨不此時坐僧寮  
地爐煨芋聽竹折凝眸一餉雲忽迷山重重兮溪疊疊

徐胤翹

字幼凌錢塘人五七言古絕三首

徑山次韻

徑山曾過眉山客詩與山山鬪奇色我來登覽誦詩篇  
眼空塵世饒仙骨龍歸大海雲猶蒸杉生太古不巢鷹  
八十七祖在何處于今誰續法欽燈一片寒光天外至  
變幻千峰不相似忽感往事如流雲笑對碧空吟數字

靈雞塚

悲哉千古人迹滅不可睹何物去靈通名山留杯土  
彈巖

彈去寒星流弓開秋月白莫將射潮雄驚落山頭石

徐胤狎

字仲凌錢塘人五言絕二首

彈巖

巖邊彈者誰云是吳越王一丸落滄海臥龍驚飛翔

東礪橋

石梁度幽澗潺潺落寒泉蒲石激清泚竹風韻冰絃

李玉虬

字君玉餘杭人五言律一首

名什

卷十

三十九

徑志

再游徑山登凌霄峰

春日曾攜屐深林聽鳥聲重來及秋盡絕頂探雲生葉  
落千巖出天空萬籟清十洲應不遠咫尺見蓬瀛

王祺

字祉叔餘杭人五言律一首

夏日同姪子嚴登徑山

海內推名勝戶庭我豈賒經春看竹雪入夏採巖花漸  
與五峰狎幾忘直嶺斜阿咸能琢句千里或吾家

王福貞

字子嚴餘杭人五言律一首

登徑山奉和叔韻



門戶吾豈敢登臨興不除鳥  
被谷草人笑答山花碧  
樹叅雲直清泉引竹斜品題  
蔡後近復幾名家

馮維坤 五言律一首

訪諸靜室

閒尋方外侶徑曲杳難分勝  
青眼逢僧話白雲泉

聲寒到屐秋色澹斜曛綠玉  
幕寒鐘何處聞

戈汕 字莊樂常熟人五言古

徑山作

筠色幻空碧杉容亭古姿咄哉巾子山大矣竹篔師干

名什

卷十

四

徑志

載詎云遠神龍渺難期再禮紫相尊吾其誰與知

陳繼儒 字眉公華亭人七言絕一首

寄無從禪師

不挑世上是非擔不駕海中名利舟支却老拳松底坐

野猿相喚喚懶回頭

王之傑 字于凡新安人五言古一首

送曇衍禪師還徑山

自昔雙徑禪舉世所共推入則頽枯木出為獰怒獅公  
也住其中三年方解期未尋黃海雲鹵抵白岳陞予豈

有風因遇之豐水涯容止驚傲兀談言開積迷壁立硬  
脊梁宗風寧自樅衆徒具耳目瞻聽轉生疑人各置一  
喙紛紛無定辭知公如我有尤勝公自知荏苒歲五遷  
忽懷楸舊枝中夏理枝笠觸勢遂睽携公本無緣慈蓋  
作有情癡望之不忍別寸衷如渴飢何時復從公聊以  
慰我私

餘杭王福貞助刻

徑山志卷之十終

名什

卷十

四十一

徑志